

werden. Efft ok vnder sulcken weysen edder armer vnuormö-
gender lüde kynder/ junge knaben gefunden/ welkore tho der
schole wol geschickt/ vñ begryplick der fryen künste vñ schriftte
syn wördē/ de scholen nesen den anderē armē mynschen dorck
de vorstender/ vth dem gemenen kassen generet vnde vorseen
werdē. Vnd de anderē knaben to arbeydē handwercke / vnde
temelyken gewernē gefordert werdē. De jungkfruwen vnder
sulcken vorlathe weysen/ des gelyken armer lüde dochter scho-
len ock dorck de vorstender / vth dē gemenen kassen tho dem
Bestande beraden werden myt eyner temelyken hülpe.

Uthgaue bußarmer lude.

Handwercks lüden vnd anderen bußarmen lüden/ de ym
Eelyken edder wedewē stande/ yn der stadt vnd dorperē/ byn-
nen vnsem parrampthe effte kerckspeel wonhafftich syn/ vnde
nicht vormögē noch sustend anderswoz hülpe hebbē/ öre hand-
werck borgerlick/ edder Buwers nerynge redelick / thodryuen
vnd arbeyden/ scholen de vorstender vth dē gemenen kassen/
temelyke vorstreckinge don/ vp mögelyke daghe tydt wedder
thobetalen. Welkore auer/ ouer öre tuwe arbeyt vnde flyth
sulcks nicht vormochten wedder thogeuē/ den schal yd/ alse
tho örer nottofft/ vñe goddes wyllē vorlaten werden / sulcke
gelegenheyt schal dorck de vorstender egētlick vorfarē werdē.

Uthgaue vorsehinge frommeder yntomelynge.

Frommedē yntomelyngē/ wat standes/ se mannes edd wy-
nes personē weren/ vnd Christlyke broderlyke thono: sicht/ to
vnser gemenen vorsamlinge hebbē vnd bynnen der stadt dor-
peren yn vnsem parrampthe myt örer arbeyt möge vnd flytke
öhrer narynge soken wörden/ scholen de teyn vorstender/ tru